



Hyllestad Sankelag
Brenndalsvegen 782
6953 LEIRVIK I SOGN
Att. Unni Tveito

Saksbehandlar, innvalstelefon

Hermund Mjelstad, 5764 3124

Avslag på søknad om forlenging av skadefellingsløyve på ulv i Hyllestad, Fjaler og Høyanger kommune

Fylkesmannen avslår søknaden om forlenga skadefellingsløyve på ein ulv i Hyllestad, Fjaler og Høyanger kommune.

Vi viser til søknad 13.10.2019 om ny forlenging av skadefellingsløyve på ulv i kommunane Hyllestad, Fjaler og Høyanger.

Fylkesmannen forlenga etter søknad skadefellingsløyvet for perioden 1. oktober til og med 15. oktober, etter at det opphavlege løyvet for perioden 12. september til og med 30. september gjekk ut.

I inneverande periode (1.10 – 15.10) er det dokumentert eit lam drepe av ulv i Hyllestad kommune. Skaden skriv seg frå 1-2. oktober. Pr. 15. oktober vil normalt all sau på utmarksbeite vere sankt heim, og skadepotensialet som vi vektla i førre forlenging, er ikkje lenger til stades.

Lovgrunnlaget

Det rettslege grunnlaget for avgjerda er naturmangfaldlova § 18 første ledd b) og § 77, jf. rovviltforskrifta § 9.

Naturmangfaldlova § 1 (formål):

"Lovens formål er at naturen med sitt biologiske, landskapsmessige og geologiske mangfald og økologiske prosesser tas vare på ved bærekraftig bruk og vern, også slik at den gir grunnlag for menneskenes virksomhet, kultur, helse og trivsel, nå og i fremtiden, også som grunnlag for samisk kultur."

Naturmangfaldlova § 18 (annet uttak av vilt og lakse- og innlandsfisk etter vurdering av myndighetene):

«Kongen kan ved forskrift eller enkeltvedtak tillate uttak av vilt og lakse- og innlandsfisk
a) for å beskytte naturlig forekommende planter, dyr og økosystemer,
b) for å avverge skade på avling, husdyr, tamrein, skog, fisk, vann eller annen eiendom,



c) for å ivareta allmenne helse- og sikkerhetshensyn eller andre offentlige interesser av vesentlig betydning,

d) (...)

Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte.(...)»

Rovviltforskrifta § 1 (formål):

"Formålet med denne forskrift er å sikre en bærekraftig forvaltning av gaupe, jerv, bjørn, ulv og kongeørn. Innenfor en slik ramme skal forvaltningen også ivareta hensynet til næringsutøvelse og andre samfunnsinteresser. Forvaltningen skal være differensiert slik at hensynet til ulike interesser vektlegges forskjellig i ulike områder og for de ulike rovviltarter."

Rovviltforskrifta § 9 (fylkesmannen sin myndighet til å iverksette betinget skadefelling):

"Ved vurdering av om det skal gis tillatelse til skadefelling skal det legges vekt på føringene i regional forvaltningsplan, jf forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning. Det skal særlig tas hensyn til

- a. områdets betydning som beitemark
- b. skadenes omfang og utvikling
- c. potensialet for fremtidige skader
- d. muligheten for å gjennomføre forebyggende tiltak

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, metoder for felling og utbetaling av fellingsvederlag og/eller dekning av påløpte utgifter med unntak av lønn mv. i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf viltloven § 35."

Rovviltforliket 2011

Rovviltforliket sommaren 2011 strekar under at «Norsk rovviltforvaltning skal skje innenfor ramma av bestemmelsene i naturmangfoldloven og Stortinget sin behandling av denne, Bernkonvensjonen og den todelte målsettingen etter rovviltforliket av 2004, og den videre oppfølgingen av denne.»

Vidare i forliket står det mellom anna at:

«Dyr på utmarksbeite har mange positive kvaliteter, og det er viktig å sikre levedyktig næringsgrunnlag i landbruket i områder med rovvilt. Forlikspartene viser til den todelte målsetningen etter rovviltforliket fra 2004, og utfordringen ligger i å ivareta begge deler uten at konflikten mellom dem blir større enn nødvendig Rovviltforvaltningen må baseres på en politikk der hensynet til å sikre overlevelse av alle de store rovviltartene i norsk natur må kombineres med en forvaltning som totalt sett bidrar til å dempe konfliktene og motvirke utrygghet innenfor den todelte målsetningen.»

Det blir også streka under i punkt 2.2.19 i rovviltforliket at:

«Det er et felles mål at tapstallene for beitenæringen må ned. Soneinndelingen må forvaltes tydelig. I prioriterte beiteområder skal uttak av dyr som gjør skade på beitedyr gjøres raskt, og i slike områder skal miljøforvaltningen i større grad enn i dag bidra til å effektivisere slikt uttak, uavhengig av om bestandsmålet er nådd..»



I følge § 9 i forskrifta kan Fylkesmannen gje fellingsløyve for å forhindre framtidig skade innanfor ramma av kvote for betinga skadefelling gjeve av rovviltneemnda, jf. forskrifta § 8. Nemnda vedtok i møte 6. mai 2019 ei skadefellingskvote på tre ulv i region 1 som gjeld frå 1. juni 2019. Per i dag er ingen ulvar felt i region 1, slik at kvoten framleis er på tre ulv.

Fylkesmannen si vurdering

Pr. 15. oktober vil det meste av sanking og ettersanking av sau vere ferdig, sjølv om det kan vere enkeltdyr att i utmarka. Det vil derfor ikkje lenger vere eit potensiale for ytterlegare ulveskade i beiteområda i Hyllestad, Fjaler og Høyanger i denne beitesesongen. Det er vidare lagt ned ein stor innsats frå det regionale fellingslaget, hjortejegerar, saueeigarar og andre for å felle ulven på skadefellingsløyvet. Løyvet har vore gjeldande frå 12. september til og med 15. oktober. Det har i perioden vore fleire tilfelle av skade på sau, det er funne drepene hjort og det er gjort truverdige observasjonar av ulven. Alt tyder på at ulven framleis har fast tilhald i regionen, og har hatt det sidan juli 2018.

Fylkesmannen vil understreke at gjeldande politikk er at det ikkje skal vere ulv som gjer skade i region 1. Når skadefellingsløyvet ikkje har gjeve resultat, må det vurderast om andre tiltak kan settast inn. Lisensjakta på ulv startar 1. desember og er open for alle som registrerer seg som lisensjeger, og krev at grunneigar gjev løyve til slik jakt på sin eigedom.

Søkjarane kan vurdere om dei skal søkje Miljødirektoratet om støtte til å setje i gong ekstraordinære tiltak med tanke på felling av ulven. Miljødirektoratet ved deira utøvande organ, Statens naturoppsyn, vil då vurdere om eit slikt tiltak er mogleg å gjennomføre. Fylkesmannen har i dag vore i kontakt med viltseksjonen i Miljødirektoratet om dette. Hovudmålet vårt er at vi ikkje skal gå inn i ein ny beitesesong med ulv i beiteområda.

Konklusjon

Fylkesmannen avslår søknaden om forlenga skadefellingsløyve på ein ulv i kommunane Hyllestad, Fjaler og Høyanger. Vi oppmodar samstundes om at søkerane tek kontakt med Miljødirektoratet for å vurdere ekstraordinære tiltak.

Grunngjeving

Skadefelling er eit verkemiddel som primært skal avhjelpe akutte skadesituasjonar som kan oppstå, jf. § 9 i rovviltforskrifta. Når beitedyra no er sankt heim, er det ikkje lenger potensiale for ytterlegare skade.

Partane i saka og andre med klagerett etter forvaltningslova, kan klage over avgjerda innan tre veker etter at avgjerda er motteken. Eventuell klage bør grunngjevast og rettast til Miljødirektoratet. Klagen skal sendast til Fylkesmannen, som anten kan ta klagen heilt eller delvis til følge, eller sende han til Miljødirektoratet for endeleg avgjerd.

Med helsing

Kjell Kvingedal
miljøverndirektør

Eline Orheim
seksjonsleiar

Dokumentet er elektronisk godkjent

Kopi:



Miljødirektoratet
Rovviltnemnda region 1
Statens naturoppsyn
Hyllestad kommune
Fjaler kommune
Høyanger kommune